



**Public Institution Therapeutic Community - Kampus of Canton Sarajevo**

Na osnovu člana 3. stav (1) Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj 19/21, 10/22, 28/23 i 32/24), člana 2. Pravilnika o radu sa unutrašnjom organizacijom i sistematizacijom radnih mjesta Javne ustanove Terapijska zajednica - Kampus Kantona Sarajevo, te Odluka o davanju saglasnosti Ministarstva za rad, socijalnu politiku, raseljena lica i izbjeglice Kantona Sarajevo broj:02-04-5140-32/24 od dana 22.02.2024. godine i broj:02-04-48747-1/24 od dana 25.10.2024. godine i Odluka o provođenju postupka prijema u radni odnos na neodređeno vrijeme broj:31-01-01-1535/24 od dana 05.11.2024. godine, direktor Javne ustanove Terapijska zajednica – Kampus Kantona Sarajevo raspisuje:

**JAVNI OGLAS**

**za prijem radnika u radni odnos na neodređeno vrijeme**

I. Javna ustanova Terapijska zajednica - Kampus Kantona Sarajevo sa sjedištem na adresi Iznad sela Kešelji bb, Rakovica, ( [www.kampus.ba](http://www.kampus.ba) ), objavljuje javni oglas za prijem radnika u radni odnos na neodređeno vrijeme za sljedeća radna mjesta:

1. **Stručni saradnik za psihosocijalnu rehabilitaciju (VSS).....2 izvršioca**
2. **Viši referent za analitiku i statistiku (SSS).....1 izvršilac**
3. **Glavni kuhar (SSS).....1 izvršilac**

**II. Opis poslova**

**Za poziciju 1. glasi:**

- Obavlja složene poslove za koje se traži stručna osposobljenost i odgovornost u obavljanju istih,
- sprovodi mjesečni plan i program rada Službe,
- učestvuje u izradi individualnih programa tretmana za svakog korisnika pojedinačno i realizuje ga,
- svakodnevno kontaktira sa korisnicima, radi na njihovoj adaptaciji, rehabilitaciji i resocijalizaciji,
- obavlja grupni i individualni rad sa korisnicima,
- obavlja porodičnu terapiju i ostvaruje kontakte sa članovima porodice,
- obavlja socijalno-anamnestičku obradu korisnika ili psihodijagnostički postupak te upoznaje stručni tim sa dobijenim podacima,
- obavlja zadatke psiho-dijagnostike, procjenu sposobnosti, testiranje, procjenu ličnosti, karaktera, temperamenta,
- usko saraduje sa pravosudnim i drugim relevantnim institucijama ukoliko je korisnik u sudskom procesu,
- saraduje sa institucijama, organima i organizacijama u mreži zdravstvene i socijalne zaštite,
- obavlja preventivni i savjetodavni rad sa korisnicima,
- po potrebi realizuje i druge aktivnosti sa korisnicima predviđene programom rada Kampusa,
- po potrebi ostvaruje saradnju sa obrazovnim ustanovama i drugim sličnim organizacijama i ustanovama uključenim u rad sa korisnicima,
- upoznaje nadređene o ponašanju korisnika, učestvuje u realizaciji tretmana korisnika,
- vodi evidenciju korisnika, sačinjava odgovarajuće mjesečne izvještaje o radu,
- učestvuje u stručnom usavršavanju iz djelokruga rada putem studijskih posjeta, seminara, predavanja, tribina, okruglih stolova itd.
- promovise u javnosti djelatnost, aktivnosti i program rada Kampusa,



## Javna ustanova Terapijska zajednica - Kampus Kantona Sarajevo



### Public Institution Therapeutic Community - Kampus of Canton Sarajevo

---

- obavlja direktan rad sa korisnicima, odnosno licima sa društveno negativnim ponašanjem, na radnom mjestu sa najvišim stepenom izloženosti riziku,
  - sprovodi stručno-terapeutski rad sa osobama koje imaju probleme sa drugim vrstama ovisnosti (ovisnost o kocki, internetu i sl.)
  - u izvršenju poslova primjenjuje i podstiče saradnike na timski rad,
  - obavezan je da primjenjuje propisane mjere zaštite i samozaštite na radu i pridržava se Etičkog kodeksa Kampusa,
- obavlja i druge poslove i zadatke koje mu odredi šef Službe i direktor Kampusa.

#### Za poziciju 2. glasi:

- Sprovodi mjesečni plan i program rada Službe,
  - vrši unos i obradu podataka u softversku aplikaciju i bazu podataka korisnika,
  - tehnički uređuje bazu podataka, personalne dosijee i dokumentaciju korisnika za vrijeme tretmana,
  - obrađuje podatke o kvantitativnim i kvalitativnim pokazateljima o čemu sačinjava kraće izvještaje,
  - asistira drugim stručnim saradnicima unutar Službe u pripremi i izradi izvještaja, informacija, analiza i drugih pisanih materijala,
  - odgovoran je za savjesno i kvalitetno izvršavanje poslova iz djelokruga svog rada,
  - održava i ažurira web stranicu ustanove,
  - učestvuje u stručnom usavršavanju iz djelokruga rada putem studijskih posjeta, seminara, predavanja, tribina, okruglih stolova itd.
  - obavlja direktan rad sa korisnicima, odnosno licima sa društveno negativnim ponašanjem, na radnom mjestu sa djelimičnim stepenom izloženosti riziku,
  - vodi odgovarajuću dokumentaciju,
  - u izvršenju poslova primjenjuje i podstiče saradnike na timski rad,
  - obavezan je da primjenjuje propisane mjere zaštite i samozaštite na radu i pridržava se Etičkog kodeksa Kampusa,
- obavlja i druge poslove i zadatke koje mu odredi šef Službe ili direktor Kampusa.

#### Za poziciju 3. glasi:

- Koordinira rad radnika kuhinje,
  - vrši normativne i druge poslove vezane za nabavku, uskladištenje i pravilno čuvanje namirnica,
  - na vrijeme obavještava o vrsti i količini potrebnih namirnica za nabavku,
  - vrši planiranje i izradu sedmičnog jelovnika,
  - priprema hranu i odgovara za kvalitet, kvantitet i ispravnost pripremljenih obroka,
  - kontroliše čistoću radnog prostora,
  - vodi računa o periodičnoj obavezi sanitarne provjere radnika,
  - odgovara za sanitarnu i normativnu ispravnost pripremljene hrane,
  - vodi računa o sredstvima za rad i blagovremeno prijavljuje kvarove na njima,
  - ima djelimičan i povremen kontakt s korisnicima,
  - obavezan je da primjenjuje propisane mjere zaštite i samozaštite na radu i pridržava se Etičkog kodeksa Kampusa,
- obavlja i druge poslove i zadatke koje mu odredi šef Službe i direktor Kampusa.





**Public Institution Therapeutic Community - Kampus of Canton Sarajevo**

**III. Uslovi za obavljanje poslova.** Pored općih uslova utvrđenih zakonom, kandidati su dužni ispunjavati i sljedeće posebne uslove predviđene Pravilnikom o radu sa unutrašnjom organizacijom i sistematizacijom radnih mjesta Javne ustanove Terapijska zajednica-Kampus Kantona Sarajevo.

**Za radno mjesto pod rednim brojem 1:**

Stečena diploma visokog obrazovanja ili druge obrazovne ili akademske kvalifikacije najmanje VSS - VII stepen stručne spreme, odnosno visoko obrazovanje prvog ili drugog ciklusa Bolonjskog sistema studiranja koji se vrijednuje sa najmanje 180 ECTS studijskih bodova, završen fakultet društvenih ili humanističkih nauka, jedna godina radnog iskustva u struci nakon sticanja VSS, poznavanje rada na računaru.

**Za radno mjesto pod rednim brojem 2:**

SSS, IV stepen, srednja škola prirodnog, tehničkog ili društvenog smjera, najmanje šest mjeseci radnog iskustva u struci nakon sticanja SSS i poznavanje rada na računaru.

**Za radno mjesto pod rednim brojem 3:**

SSS, IV stepen, srednja ugostiteljska škola - kuhar, najmanje šest mjeseci radnog staža u struci nakon sticanja SSS.

**IV. Dokumentacija koja se podnosi uz prijavu:** Na javni oglas kandidati su dužni dostaviti sljedeću dokumentaciju (original ili ovjerene kopije)

1. svojeručno potpisanu prijavu na Javni oglas sa kratkom biografijom, kontakt adresom i brojem telefona, broj/brojevi radnog mjesta na koje se kandidat prijavljuje
2. izvod iz matične knjige rođenih
3. uvjerenje o državljanstvu (ne starije od 6 mjeseci)
4. dokaz o prijavi prebivališta/boravišta (CIPS) u Kantonu Sarajevo, ne starije od datuma objave javnog oglasa (dostavlja lice koje ima pravo na prednost prilikom zapošljavanja u skladu sa posebnim propisom)
5. diplomu, odnosno svjedočanstvo o stručnoj spremi
6. potvrdu o radnom iskustvu u struci
7. potvrda/uvjerenje JU Službe za zapošljavanje Kantona Sarajevo da je lice na evidenciji kao nezaposlena osoba, ne starija od datuma objavljivanja javnog oglasa, ili dokaz da je lice zaposleno na određeno vrijeme – potvrda poslodavca kod kojeg je kandidat u radnom odnosu na određeno vrijeme sa obaveznom naznakom da se radi o radnom odnosu na određeno vrijeme, ne starija od datuma objavljivanja javnog oglasa
8. dokumentacija kojom se dokazuje status korisnika prava u skladu sa Uredbom o jedinstvenim kriterijima i pravilima zapošljavanja branilaca i članova njihovih porodica u institucijama Kantona Sarajevo, Gradu Sarajevu i Općinama u Kantonu Sarajevo a u svrhu dokazivanja prava prvenstva pri zapošljavanju
9. ljekarsko uvjerenje o općoj zdravstvenoj sposobnosti (samo za kandidate koji budu izabrani)
10. dokaz da se ne vodi krivični postupak i da istom nije izrečena mjera zabrane obavljanja profesionalne djelatnosti (samo za kandidate koji budu izabrani)
11. dokaz o poznavanju rada na računaru za pozicije gdje se traži



## Javna ustanova Terapijska zajednica - Kampus Kantona Sarajevo



### Public Institution Therapeutic Community - Kampus of Canton Sarajevo

#### V. Prednost u zapošljavanju

Kandidati na koje se primjenjuje Zakon o dopunskim pravima boraca-branitelja Bosne i Hercegovine ("Službene novine Kantona Sarajevo", broj: 31/22), Uredba o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo" broj 37/20, 27/21) i Instrukcija o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članovima njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo" broj 38/20 i 28/21) imaju prednost prilikom zapošljavanja.

Pod braniocima i članovima njihovih porodica podrazumijevaju se lica iz člana 1. i 2. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj: 31/22) bez obzira na godine života dok su u skladu sa propisima iz oblasti radnih odnosa sposobni za rad.

Pod pojmom porodica šehida i porodica poginulog, umrlog, nestalog branioca, branitelj, dobrovoljac i organizator otpora, veteran, demobilizirani branitelj, ratni vojni invalid, smatraju se lica koja su definisana članom 2., 3. i 4. Zakona o pravima branilaca i članova njihovih porodica ("Službene novine Federacije BiH", broj 33/04, 56/05 - Ispravka, 70/07, 9/10, 90/17 i 29/22)

Pod pojmom dobitnika ratnih priznanja i odlikovanja i članova porodica poginulih, umrlih, nestalih dobitnika ratnog priznanja i odlikovanja smatraju se lica koja su definisana članom 1. i 2. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", broj 70/05, 61/06, 9/10, 90/17 i 29/22).

Pod pojmom članova porodice šehida i porodica poginulog, umrlog, nestalog branioca i umrlog ratnog vojnog invalida smatraju se lica definisana članom 17. Zakona o pravima branilaca i članova njihovih porodica ("Službene novine Federacije BiH", broj 33/04, 56/05 - Ispravka, 70/07, 9/10, 90/17 i 29/22)

Pod pojmom demobilizirani branitelj smatraju se lica definisana članom 2. stav (1) i (2) Zakona o pravima demobiliziranih branilaca i članova njihovih porodica ("Službene novine Federacije BiH", broj 54/19 i 29/22) i to pripadnik Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova koji je učestvovao u pripremama za odbranu ili u odbrani Bosne i Hercegovine u periodu od 18.09.1991. do 22.04.1996. godine minimalno godinu dana, pod uvjetom da ne postoje okolnosti iz člana 36. Zakona o pravima branilaca i članova njihovih porodica ("Službene novine Federacije BiH", broj 33/04, 56/05 - Ispravka, 70/07, 9/10, 90/17 i 29/22)

Pod pojmom članovi porodice demobiliziranog branitelja smatraju se lica definisana članom 3. Zakona o pravima demobiliziranih branilaca i članova njihovih porodica ("Službene novine Federacije BiH", broj 54/19 i 29/22).

Gore definisana lica imaju pravo na prvenstvo pri zapošljavanju, a na evidenciji su JU "Služba za zapošljavanje Kantona Sarajevo" ili su zaposlena sa nižom stručnom spremom od one koju posjeduju ili su zaposlena na određeno vrijeme, ukoliko ispunjavaju opće i posebne uvjete za radno mjesto na kojem se vrši zapošljavanje, ispunjavaju kriterij utvrđen općim aktom institucija u



# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

Kantonu Sarajevo i imaju prijavljeno prebivalište/boravište u Kantonu Sarajevo.

Da bi ostvarili prioritet pri zapošljavanju kandidati treba da dostave:

- dokaz da su na evidenciji JU "Služba za zapošljavanje Kantona Sarajevo" - Uvjerenje JU "Služba za zapošljavanje Kantona Sarajevo" ne starije od datuma objave Javnog oglasa ili
- dokaz da su zaposleni sa nižom stručnom spremom od one koju posjeduju - Potvrda poslodavca sa obaveznom naznakom stepena stručne spreme (zanimanja) s kojom je radnik zasnovao radni odnos kod poslodavca ne starija od datuma objave Javnog oglasa ili
- dokaz da su zaposleni na određeno vrijeme - Potvrda/Uvjerenje poslodavca kojom se dokazuje da je radni odnos zasnovan na određeno vrijeme ne starija od datum a objave Javnog oglasa.
- dokaz da kandidat ima prijavljeno prebivalište/boravište na teritoriji Kantona Sarajevo - Uvjerenje o kretanju ili Potvrda o mjestu prebivališta CIPS izdato od strane nadležnog organa ne starije od datuma objave Javnog oglasa.

Navedene dokaze dostaviti u originalu ili ovjerenoj kopiji.

Prioritet u zapošljavanju kandidati dokazu odgovarajućim dokumentima (rješenje, uvjerenje i sl.) koje prilažu prilikom prijave na javni oglas, kako je propisano Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Grad Sarajevo i općinama u Kantonu Sarajevo („Službene novine Kantona Sarajevo“ broj 37/20, 27/21).

Redni broj	Pripadnost branilačkoj kategoriji	Naziv dokaza - dokumenta	Organ koji ga izdaje
1.	Član porodice šehida/ poginulog, umrlog i nestalog branioca	- Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida - poginulog, umrlog i nestalog branioca i - Uvjerenje o učešću u Oružanim snagama za šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobiliziranog branioca.	Uvjerenje o statusu djeteta ratnog vojnog invalida Rješenje o priznatom pravu na: a) invalidninu, b) mjesečni novčani dodatak c) uvjerenje o učešću u Oružanim snagama	a) i b) Općinska služba za boračko-invalidsku zaštitu c) Grupa za pitanja evidencija iz oblasti vojne obaveze prema mjestu prebivališta

Kandidati su dužni priložiti orginale ili ovjerene fotokopije naprijed navedenih dokumenata iz tabelarnog pregleda.



## Javna ustanova Terapijska zajednica - Kampus Kantona Sarajevo



### Public Institution Therapeutic Community - Kampus of Canton Sarajevo

---

#### V. Iznos osnovne plaće za pozicije :

- pozicija pod rednim brojem 1. osnovna plaća iznosi 1424,50 KM
- pozicija pod rednim brojem 2. osnovna plaća iznosi 1039,50 KM
- pozicija pod rednim brojem 3. osnovna plaća iznosi 1039,50 KM

**VI. Mjesto obavljanja rada i radno vrijeme** je u sjedištu Ustanove na adresi Iznad sela Kešelji bb. Rakovica. Radno vrijeme je službi je 00-24 sata, regulisano kroz rad u smjenama ili turnusima.

**VII. Probni rad.** Javna ustanova Terapijska zajednica – Kampus Kantona Sarajevo može ugovoriti probni rad u trajanju od maksimum 6 mjeseci.

Direktor će imenovati komisiju za provođenje procedure izbora kandidata po Javnom oglasu.

Komisija će na temelju pismenog i usmenog ispita izvršiti bodovanje kandidata.

Direktor na osnovu liste uspješnih kandidata sa ukupnim brojem bodova, donosi odluku o izboru prvorangiranog kandidata sa liste, odnosno sljedećeg ukoliko prethodni odustane.

Izabrani kandidati su dužni, prije potpisivanja Ugovora o radu, dostaviti ljekarsko uvjerenje o zdravstvenoj sposobnosti nadležne zdravstvene ustanove, koje nije starije od 6 mjeseci.

Prilikom zapošljavanja bit će data prednost kandidatima koji po posebnom zakonu imaju prioritet u zapošljavanju pod jednakim uslovima. Prioritet u zapošljavanju kandidati dokazuju odgovarajućim dokumentima ( potvrda, uvjerenje, i sl.) koje prilažu prilikom prijave na javni oglas, pozivajući se na poseban zakon po kojem imaju prednost.

#### VIII. Rok i način prijave

Rok za podnošenje prijave je 10 (deset) dana od dana objave javnog oglasa u novinama „Oslobođenje“. Javni oglas je dostupan na internetskoj stranici [www.kampus.ba](http://www.kampus.ba), kao i web stranici Službe za zapošljavanje Kantona Sarajevo. Telefon kontakt osobe zadužene za davanje dodatnih obavještenja: 033 405 165.

Prijave na konkurs sa dokazima o ispunjavanjima uslova dostavljaju se na protokol Ustanove ili u zatvorenoj koverti poštom preporučeno na adresu: Javna ustanova Terapijska zajednica – Kampus KS, Iznad sela Kešelji bb, Rakovica 71217, sa naznakom „PRIJAVA NA JAVNI OGLAS ZA PRIJEM RADNIKA NA NEODREĐENO VRIJEME“, i naznakom broja pozicije/pozicija na koju kandidat aplicira – NE OTVARAJ.



# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

### Napomena:

Kandidati čija je dokumentacija neuredna, nepotpuna i neblagovremena bit će pisanim putem obaviješteni sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od tri dana od dana prijema obavijesti.

Kandidat može u Javnoj ustanovi Terapijska zajednica – Kampus Kantona Sarajevo na adresi Iznad sela Kešelji bb, kao i na web stranici Ustanove [www.kampus.ba](http://www.kampus.ba), preuzeti pitanja za pismeni i usmeni ispit i listu propisa i literature iz oblasti iz koje će se polagati pismeni i usmeni ispit a koja su prilagođena radnom mjestu koje se oglašava.

Priložena dokumentacija neće se vraćati, osim na pismeni zahtjev kandidatima koji su istu dostavili u originalu i to u roku od 15 dana od dana okončanja javnog oglasa.

direktor

